

Inatsisartut Siulittaasussaannik qinersineq

(Inatsisartunut sivisunerpaamik ilaasortaasimasut angajullersaat)

Taamaalilluta oqaluuserisassani imm. 3, Inatsisartut Siulittaasussaannik qinersineq, tikipparput.

Inatsisartut Suleriaasianni § 3, imm. 1 aamma 2, naapertorlugit Inatsisartut Siulittaasuattut qinigaasinnaassagaanni Inatsisartunut ilaasortaanissaq, taamatullu aamma ilaasortanit najuuttunit amerlanerussuteqavissunit qinigaanissaq, piunasaqaataapput.

Suleriaatsimi § 3, imm. 1 naapertorlugu siulittaasussanik qinersineq isumaqatigiinniutigineqanngitsunik pissaaq.

Taamaattumik qinnuigiinnassavassi Inatsisartut Siulittaasussaattut siunnersuutiniq saqqummiussaqaqqullusi. Ataasiinnarmilluunniit qinigassanngortitsisoqaraluarpat qinersisitsisoqartussaavoq. Partiit qinersisarnerilluunniit eqqarsaatigalugit suleqatigiit ilaasortaqaassusertik mallillugu kina Inatsisartut Siulittaasussaattut qinigassanngortinniarnarlugu nalunaarutigissavaat. Maanna siulittaasup tulliatut atuuffinnut qinigassanngortinniakkat oqaatigineqassanngillat, taakku immikkut taasissutigisussaagatsigit.

Aamma qinnuigaassi nalunaarutigeqqullugu kina siulittaasunngortumut sinniisussatut qinigassanngortinnerissi.

(Partiit qinigassanngortinniakkaminnik inassuteqaateqassapput.)

Uku Inatsisartunut siulittaasussatut inassutigineqarput: Lars-Emil Johansen aamma Agathe Fontain.

Inatsisartut Suleriaasianni § 3, imm. 2 naapertorlugu qinigassanngortittoq Inatsisartut Siulittaasuattut qinerneqassaguni ilaasortanit najuuttunit amerlanerussuteqarluinnartunit qinerneqassaaq. Qinigassanngortittut arlaat amerlanerussuteqarluinnartunit qinerneqanngippat qinersisoqaqqissaq. Qinersinermi tassani aamma qinigassanngortittoq amerlanerussuteqarluinnartunik taaneqanngippat qinigassanngortittut marluk aappasaanik qinersinermi amerlanerpaanik qinerneqartut pingajusnaanik qinersinermi taasissutigineqassapput, qinerneqarnerpaarlu qinigaalluni. Amerlaqatigiinnik qinigaasoqarpat qinersineq makitsinikkut aalajangerneqassaaq.

Takusinnaavara siulittaasussamat marlunnik qinigassanngortitsisoqartoq, tassalu Lars-Emil Johansen Dors Jakobsen sinniisussarlugu aamma Agathe Fontain Ane Hansen sinniisussa-

ralugu.

Siulliullugu Lars-Emil Johansen Inatsisartut Siulittaasussaattut taasissutigissavarput. Lars-Emil Johansen Inatsisartut Siulittaasussaattut qinerneqanngippat Agathe Fontain Inatsisartut Siulittaasussaattut taasissutigissavarput.

Inatsisartunut ilaasortat qinnuigissavakka taasinerikkut erserseqqullugu Lars-Emil Johansen Inatsisartut Siulittaasussaattut Doris Jakobsen sinniisussaralugu tapersorsornerlugu. Tamannalu maanna taasissutigissavarput.

Inatsisartunut ilaasortat qinnuigaakka taaseqqullugit. (...*TAASINERUP NAAMMASSINISSAA UTAQQINEQASSAAQ*...) Taasineq naammassivoq.

- (*QASSIT*) Inatsisartut Siulittaasussaattut Lars-Emil Johansen qinerpaat.
- (*QASSIT*) Inatsisartut Siulittaasussaattut Lars-Emil Johansen akerleralugu taasippat.
- (*QASSIT*) taaseqataanngillat.

(Lars-Emil Johansen amerlanerussuteqavissunit taaneqarpat uku oqaatigineqassapput:)

Taamaalilluni Lars-Emil Johansen Inatsisartut Siulittaasussaattut qinerneqarpoq Doris Jakobsen sinniisussaralugu.

Qinigaaninnut qujanaq / Qinigaaninni pilluarit.

Massakkullu Inatsisartut siulittaasuata tullissaanik qinersinermut ingerlaqqissaagut.

(Lars-Emil Johansen amerlanerussuteqavissunit taaneqanNGIPPAT uku oqaatigineqassapput:)

Lars-Emil Johansen Inatsisartut Siulittaasussaattut amerlanerussuteqavissunit qinerneqanngilaq.

Taamaalilluta maanna Agathe Fontain Inatsisartut Siulittaasussaattut Ane Hansen sinniisussaralugu taasissutigissavarput. Agathe Fontain taamatutaaq Inatsisartut Siulittaasussaattut qinigaassanngikkaluarpat nutaamik taaseqqittariaqassaagut.

Inatsisartunut ilaasortat qinnuigissavakka taasinerikkut erserseqqullugu Agathe Fontain Inatsisartut Siulittaasussaattut Ane Hansen sinniisussaralugu tapersorsornerlugu. Tamannalu maanna taasissutigissavarput.

Inatsisartunut ilaasortat qinnuigaakka taaseqqullugit. (...*TAASINERUP NAAMMASSINISSAA*

UTAQQINEQASSAAQ...) Taasineq naammassivoq.

- (QASSIT) Inatsisartut Siulittaasussaattut Agathe Fontain qinerpaat.
- (QASSIT) Inatsisartut Siulittaasussaattut Agathe Fontain akerleralugu taasipput.
- (QASSIT) taaseqataanngillat.

(Agathe Fontain amerlanerussuteqavissunit taaneqarpat uku oqaatigineqassapput:)

Taamaalilluni Agathe Fontain Inatsisartut Siulittaasussaattut qinerneqarpoq Hans Aronsen sinniisussaralugu.

Qinigaaninnut qujanaq / Qinigaaninni pilluarit.

Massakkullu Inatsisartut siulittaasuata tullissaanik qinersinermut ingerlaqqissaagut.

(Agathe Fontain amerlanerussuteqavissunit taaneqanngippat uku oqaatigineqassapput:)

Agathe Fontain Inatsisartut Siulittaasussaattut amerlanerussuteqavissunit aamma qinerneqanngilaq.

Taamaalilluni Lars-Emil Johansen Agathe Fontainiluunniit Inatsisartut Siulittaasussaattut qinerneqanngillat.

Taamaalilluta Inatsisartut Suleriaasianni § 3, imm. 2 naapertorlugu qinigassanngortittut taakku marluk akornanni nutaamik taasisariaqassaagut.

(Tamatum kingorna qinigassanngortittut marluk taakku akornanni nutaamik taasisitsisoqassaaq. Taasinermi tassani aamma arlaannaalluunniit amerlanerussuteqavissunit qinerneqanngippat suli aamma taasisitsisoqaqqissaaq, tamatumanilu qinigassanngortittoq nalinginnaasumik amerlanerussuteqartunit qinerneqartoq qinerneqassalluni. Qinigassanngortittut taaneqarneri amerlaqatigiippata taakku marluk akornanni makitsisoqassaaq. Tamanna pereerpat taamalu Inatsisartut Siulittaasussaannik makitsinikkut qinersisoqarluni siulittaasup tullissaanik qinersinermut ingerlaqqittoqassaaq)